

Abinoojiinh-odaake-inaakonigeng

Abinoojiinh-odaake-inaakonigeng, mii iw izhichiged awiia ji-gikinoo'amawaad niibowa ji-wiijikiwendinid. Mii ow daa-izhichiged gekinoo'amaaged ji-gikinoo'amawaad abinoojiinyan ji-abinoojiinh-odaake-inaakonigenid:

1. Ganoodan ge-izhichiged (waabanda' mazina'igan)
2. Waabanda' dawaaj ge-gwayakochiged nawaj epiitizid
3. Waabanda' keyaa ge-gwayakochigesig nawaj epiitizid
4. Wiindamaw ji-gagwe-izhichiged ganawaabamigod nawaj epiitiziniin
5. Wiindamaw ji-gagwe-izhichiged ganawaabamigod bakaan abinoojiinyan
6. Wiindamaw nitaawichiged inwaazod ji-izhichiged



Nitaawichigewin Bezhig: Ganawaabamik Giijanishinaabe

Gikinoo'amaadiwinan:

“Gidaa-bagosenimaa gijaanishinaabe ji-odaminotok. Mii keyaa ge-izhichigeyan...”

1. Ganawaabam gijanishinaabe
2. Ikidon owiinzowin
3. Weweni daangin onimaanganaang gemaa onikaang giishpin ganawaabamigosiwan
4. Geyaabi inwaazon



Nitaawichigewin Niizh: Maada'oon “Miigiwe-odaminwaaganag”

Gikinoo'amaadiwinan:

“Nawaj giga-odaminotaag awiia giishpin maada'ookiiyan. Maada'ookiiyan...”

1. Wiindamaw ji-ganawaabamik
2. Ininamaw odaminwaagan
3. Ikidon, “Omaa”
4. Atoon oninjiiing



Nitaawichigewin Niswi: Maada'oon "Misawenimadwaa Odaminwaaganag"

Gikinoo'amaadiwinan:

"Mii geyaabi bezhig ge-izhichigeyan ji-odaminotok giijanishinaabe gagwejmad ji-ininamok odaminwaagan. Mii keyaa ezhichigeyan..."

1. Wiindamaw ji-ganawaabamik
2. Zaagininjiin
3. Ikidon, "Indaa-ayaan ina ___?"



Nitaawichigewin Niiwin: Niigaanen— Waabanda' Daa-izhichiged

Gikinoo'amaadiwinan:

"Giga-waabanda'in noongom geyaabi gegoo daa-izhichigeyan ji-odaminotok. Gidaa-ininamawaa odaminwaagan miinawaa wiindamaw keyaa ge-aabaji'aad ikidoyan owiinzowin, (owiinzowin), izhichigedaa..."

1. Wiindamaw ji-ganawaabamik
2. Wiindamaw keyaa ji-aabaji'aad odaminwaaganan
3. Ikidon, "Izhichigedaa ___"

Mii gaawiin memwech ji-ininamawad odaminwaagan akawe. Mii ganabaj odaminotaadiwaad aazhaa (atoon makakoons wagijayi'ii), gemaa gagwejim ji-izhaad ingoji (awi-odaminodaa iwidi endazhi-zhiizhoobii'igeng)



Nitaawichigewin Naanan: Miigwechiwitaagoziwin

Gikinoo'amaadiwinan:

"Nawaj giga-gikendaan ji-mino-wiijikiiweyan noongom. Megwaa odaminod giijanishinaabens, mikwendan minwendag minode'eyan. Mii keyaa dawaaj ge-minode'eyan. Miigwechiwitaagoziwinan izhinikaadewan.

1. Wiindamaw ji-ganawaabamik
2. Mino-ikidon dibishkoo "mii keyaa," "ginitaawichige ___"; "giminwenimin ___."
3. Badakidoon gimichininj gemaa miizh ishpi-naanan

Gaa-ondinigaadeg: LEAP Social Skills Curriculum

Wiindamaw jiganawaabamik



Daangin gijanishinaabens
onimaanganaang, ganawaabam,
gemaad ikidon owiinzowin.

Maada'ookiin



Maada'oon
odaminwaaganag.

Gagwedwen ji- maada'ookiid



Gagwejim giijanishinaabens
giishpin ge-aabaji'ad
odoodamiwaaganan.

Wiindamaw gegoo ge-izhichigeyeg



Wiindamaw gegoo
ge-maamawi-dazhiikameg.

Miigwechiwitaagozin



Wiindamaw giijanishinaabens
nitaawichiged.